

# Fri COVID-19 RAT Kits

Fo Pasifik Australia Leba Mobility wakaman- August 2022

Disfala factsheet hemi talem aot nao hao wakaman anda lo [Pasifik Australia Leba Mobility scheme](#) save tekem fri COVID-19 Rapid Antigen Test (RAT) kits.

Queensland Helt provaedem fri RAT kits lo pipol wea garem Australian Gavman concession cards. Staka pipol wea waka lo Pasifik Leba Scheme (PLS) en Seasonal Worker Program (SWP) bae no fitim diswan. Fo disfala rison, Queensland Helt hem openem moa wei fo fitim fo tekem RAT kits.

Sapos iu wanfala wakaman anda lo Pasifik Australia Leba Mobility scheme, iu bae save tekem RAT kits fo fri. Iu save kolektim kasem 5 fala RAT test insaet lo wan manis en kolektem evriwan insaet lo wan visit blong iu.

## Wea nao save tekem fri RAT kit?

Queensland Helt hemi nao distribiutim RAT kits lo staka ples insaet lo komuniti. Faedem distribiusion point kolsap lo iu lo [hia](#), o skanim nao disfala QR code lo daon.

## Wat nao mi nid fo som wakaman blong distribiusion point?

1. Talem wakaman ea dat iu wanfala wakaman anda lo Pasifik Australia Mobility scheme.
2. Som wakaman ea passport blong iu en evidens blong iu lo Temporary Work (International Relations) visa (subclass 403).
3. Iu save som disfala fact sheet lo wakaman ea sapos olketa hem no save sapos iu fitim.

Iu bae nid fo provaedem disfala infomaison evri taem iu go visitim nao eni distribiusion point. Werem fais mask sapos iu garem eni COVID-19 saen blo siki.

## Hao nao fo mi iusim RAT kit?

Iu save faendem aot samfala moa infomaison abaotem hao fo iusim RAT kit lo okleta nara langus lo [hia](#), o lukim nao nasal test instrakson video lo olketa nara langus lo [hia](#).

## Wea nao mi save tekem eni help sapos mi garem COVID-19?

Sapos iu test positif fo COVID-19 iu sud [reportim RAT test resalt lo hia](#). From Friday 9 Septemba 2022, COVID-19 isolation taem hemi go daon from 7 deis go lo 5 deis, sapos iu no garem saen blo siki en no waka lo aged care, disability care o home care. Evri nara isolation rikwaement bae hemi stap sem sem. [klik lo hia](#) fo samfala moa infomaison.

Sapos iu nidim help fo manejim saens blo siki lo haus o iu laekem advaes abaotem medikol kea fo COVID-19, kolem National Coronavirus Helpline lo 1800 020 080. Infomaison lo olketa nara langus abaotem wanem fo duim sapos iu garem COVID-19 hem stap lo [hia](#).

Fo staka moa infomaison kontaktim [multicultural@health.qld.gov.au](mailto:multicultural@health.qld.gov.au). Scanim disfala QR code fo faedem disfala fom onlaen.

